

明史攷證攬逸

明史攷證擴逸卷三十一

長洲王頌蔚編集

列傳第一百七十一 儒林二

陳獻章傳

廣東布政使彭韶總督朱英交薦

按是時韶等乞以禮聘獻章吏部尙書尹旻謂獻章
向聽選京師非隱士比安用聘遂檄召至京見獻徵
錄

獻章事之至孝

刪獻章
二字

萬厯初

改萬厯
十二年

賀欽傳

卒年七十四

下增天啟初
謚恭定六字

陳茂烈傳

入爲監察御史

按茂烈爲御史時疏論道士崔志端不宜爲尙書戶部尙書侶鍾諛佞取寵宜罷見識大錄

母卒茂烈亦卒

按茂烈卒後都御史王應鵬言茂烈廉約如石守道而所養獨純孝行如徐仲車而所處尤困請加優卹詔表宅里曰孝廉卹其家見明實錄

湛若水傳

授翰林院編修

按正德中若水常奉使安南冊封國王黎嗣却其餽
不受見識大錄

年九十五卒

按若水之卒也贈太子太保謚文簡見識大錄
湛若水附傳

累官四川水利僉事

按信成進士後授戶部主事遷兵部員外郎出爲四
川僉事在蜀三年革岷江一帶水驛丈復各衛養馬
草場又以商番交易茶馬全黎二夷爭路讐殺乃立
科條一曰復秤盤二曰禁湖茶三曰限引目茶額既
定私販悉絕蜀人便之見獻徵錄

鄒守益傳

九廟災守益陳上下交修之道

按是時以廟災詔諸大臣自陳諸大臣皆惶恐引罪
守益獨抗言交修之道故得罪見識大錄

錢德洪傳

十一年始成進士累官刑部郎中

按德洪廷試後乞教授蘇州學以便養旋遷國子監
丞歷刑部主事至郎中見獻徵錄

王畿傳

嘗云學當致知見性而已至以不謹斥

按是時辭應旂爲南考功郎中以不謹斥畿應旂亦

坐補外南給事中游震得等爲應旂訟應旂旋復京
秩見獻徵錄

王畿附傳

王氏弟子徧天下至聲名反出諸弟子上

按是時總漕都御史劉節御史吳悌皆特疏薦良不
報御史洪垣構室居其徒有子壁幼隨父之守仁所
師事王畿錢德洪最知名見識大錄

坐事爲言官論罷

按汝芳以參政入賀旣成禮請告出城集同志講學
廣慧寺居正惡之遂風言官疏劾致仕見識大錄所
謂坐事者指此

累官吏部左侍郎拾遺

按萬曆十九年起元以洗馬充講官有崇聖志勤聖學疏二十五年秋因災異復上恭勸勤學疏並見獻徵錄

歐陽德傳

以薦起故官累遷吏部左侍郎

按德以故官起復未至遷南太常卿尋以原秩召掌國子監事至則遷禮部左侍郎旋轉吏部見識大錄
裁制諸宗藩尤有執

按德居禮部時秦府爲其中尉女請封崇陽王以罪賜死其宗人援他郡王例請襲德皆持弗許弋陽建

安樂安諸王爭撫寧府事德曰寧藩已絕豈尙有府
事須攝耶又請下諸藩禁陳乞而裁詔罪宗廩給見
獻徵錄所謂裁制宗藩者指此

贈太子少保謚文莊

按隆慶中允撫臣劉光濟之請勅有司建祠其鄉祀
之見明實錄

羅洪先傳

嚴嵩以同鄉故擬假邊才起用皆力辭

按御史凌儒嘗薦洪先帝怒奪儒職見明實錄

謚文莊

莊改
恭

吳悌傳

及嵩擅政悌惡之引疾家居

按悌爲御史時有請禁私交議蠲振議振風紀諸疏
見獻徵錄

何廷仁附傳

女敏字直充

直改宜

許孚遠傳

會大計京朝官至博鄉山西無一焉

按是時給事中胡應嘉劾博庇私博連疏乞休帝爲
斥應嘉而慰留博見明史紀事本末

坐爲李材訟冤貶二秩

按材素從鄒守益學嘗任雲南按察使征緬有功巡

按御史蘇鄮劾其與副使陳嚴之等虛張功伐帝怒特旨坐以斬論救者五十餘疏皆不聽繫詔獄五年見明史紀事本末所謂爲材訟冤者指此

尤時熙傳

聞郎中劉魁得守仁之傳至時時從獄中質問

按是時帝用方士陶仲文言建雷壇於太液池西魁極陳其耗國不經帝震怒杖於廷而錮之見明史紀事本末所謂直言者指此

尤時熙附傳

年七十六以萬厯六年卒

按後覺之卒也維新言於郡守李士登立祠祀之士

登又建四賢祠祀王道穆孔暉及後覺孟秋見山東

通志

鄧以讚附傳

元怵嘗抗疏救御史胡濬

按神宗卽位之冬妖星見慈慶宮後火濬言星陰象
火積陰所成請放宮女疏語忤帝斥爲民元怵乃疏
救之見明實錄

列傳第一百七十二 儒林三

孔希學傳

以子希學襲封克堅累遷國子祭酒

按克堅以子希學襲封拜中臺治書侍御史改山東

廉訪使起爲集賢直學士改禮部尙書遷陝西行臺
侍御史旋遷國子祭酒見闕里文獻考

洪武元年三月至遣希學來見

按希學元末襲封時並兼祕書卿見闕里文獻考

十一月命希學襲封衍聖公

按洪武二年四月命博士孔克仁等授諸子經功臣

子弟亦令入學見明寶錄

階賞善大夫賞改
資

當臨馭之初馭改
御

十五年修闕里文廟成

按永樂十二年正月詔修闕里廟十四年十二月詔

修曲阜復聖廟並命凡從祀諸賢之廟有壞皆修之
見明實錄

召弘緒至京襲封賜玉帶金印

按弘緒襲封時帝親賜玉帶以軀尙小去二鎊授之
又賜金圖書一其文曰謹禮崇德見闕里文獻考
成化初以言事謫漢陽知府

按成化元年給孔顏孟三氏學印令三年貢有學行
者一人入國子監見明實錄

弘緒少貴至奪爵爲庶人

按弘緒初爲南京科道所劾下巡撫原傑按之悉得
其非法用刑勒殺無辜狀以聞命官會問坐以斬帝

特從寬奪爵見明實錄所謂多過舉者指此

正德三年以尼山洙泗二書院及鄒縣子思子廟各有

祀事

改正德二年以鄒縣子思子廟主祀乏人

主子思子祀事

刪事字

兩書院各設學錄一人

上增又請尼山洙泗六字

薦族之賢者充焉

下增從之二字

萬厯九年至帝爲革供奉女樂二十六戶

按明實錄萬厯九年八月尙賢庶母郭氏因受尙賢陵轍乃許奏尙賢濫用女樂賄受船戶及歲賀入京騷擾驛遞諸事下撫按勘覆帝切責而貸之

崇禎元年加太子太傅

按崇禎元年追贈尙賢太子太保見關里文獻考

孔彥繩傳

洙讓爵曲阜之弟治

按洙讓爵後命爲國子祭酒兼提舉浙東學校事見

關里文獻考

曾質粹傳

宗聖五十九代孫也

按職官志以質粹爲宗聖六十代孫與此互異

正德間山東僉事錢鉉訪得曾子之後一人於嘉祥山

中

按正德二年七月命山東修理曾子廟從巡按御史

金洪請也見明寶錄

孔聞禮傳

正德元年

元改

聞禮卒嘉靖二十五年貞寧字用致襲

按王世貞衍聖公爵系表稱聞禮卒弟聞詩襲聞詩卒聞韶之子貞寧襲而武宗實錄元年四月己卯授聞詩翰林院五經博士先是衍聖公弘泰卒爵歸聞韶其子聞詩充三氏學生聞韶援文臣蔭錄之例以請乃有是命皆與此異

孟希文傳

子承光萬曆二十九年襲卒

按承光於天啟二年與長子弘略拒妖賊徐鴻儒與
母孔氏俱被害事聞贈承光太僕少卿孔氏貞淑恭
人弘略太常丞遣官諭祭專祠祀之見闕里志

列傳第一百七十三 文苑一

楊維禎傳

坐船屋上吹鐵笛作梅花弄

按開國臣傳載維禎嘗過洞庭有治人緱氏子名長
弓掘地得古莫邪無所用乃鑿爲笛贈之維禎爲賦

治師行

人目爲三高士墓

刪此
七字

蘇伯衡傳

歲丙午

按明祖本紀丙午爲吳元年元至正二十六年也

坐表箋誤下吏死

按開國臣傳伯衡卒於家與此異

王冕傳

授諮議參軍一夕病卒

按是時胡大海攻紹興屯兵九里山延冕問策冕曰
越人秉義若爲義誰敢不服若爲非義誰則非敵明
日遂不起初未嘗爲諮議參軍也朱彝尊以冕爲元
季逸民辯其未嘗一日參軍事見元詩選小傳與此
互異

明列傳三十一
戴良傳

辛丑

按元史本紀辛丑爲順帝至正二十一年

變姓名隱圓明山

按蘇伯衡撰良畫像贊稱其跋涉道途類子房之報韓其傍徨山澤猶正則之自放時以爲實錄

戴良附傳

飲泣賦詩情詞悽惻

按鶴年嘗有詩云行蹤不逐臬東徙心事惟隨雁北飛人多悲其故君之思見海巢集

張以寧傳

由黃巖判官進六合尹

按以寧任黃巖判官時曾捕禽海寇見開國臣傳
奉使安南

按是時與以寧偕奉使者爲典簿牛諒見明實錄
趙堦附傳

布政使吳印者僧也

按吳印本鍾山寺僧明祖奇其才命與宗泐同蓄髮
欲官之宗泐辭印獨受官其兄昭亦官布政使見開
國臣傳

趙撝謙附傳

酒間爲瞿佑誦所作詩

按張昱曾參楊完者軍事楊敗遂不仕嘗於酒間以
界尺擊案誦所作歌風臺詩淵淵有金石聲見楊士
奇所撰廬陵集

陶宗儀附傳

張憲

按憲所著有玉筍集見元詩選

高啟傳

嘗賦詩有所諷刺帝嫌之

按靜志居詩話啟嘗作題宮女圖詩有云小犬隔花
空吠影夜深宮禁有誰來爲明祖所猜其買禍蓋以
此

孫贇附傳

四子潔絢繹純

按是時稱潔等兄弟有四懷之日見開國臣傳

列傳第一百七十四 文苑二

林鴻附傳

父翰仕元抗節死

按翰仕元爲閩行省郎中後爲潮州路總管棄官走
閩爲黃冠棲永泰山中十年太祖聞其賢詔有司強
起之遂自刎死見獻徵錄

王紱附傳

改庶吉士歷官太常寺卿

按景由庶吉士爲中書舍人累進太常寺卿遷本寺卿見
御製書畫譜與此小異

沈度傳

崑山夏昺者至時號大小中書

按昺洪武末爲永寧丞謫戍雲南永樂初昺入中書科習字上臨視稱善昺因言及昺召對稱旨遂並命爲中書舍人見識大錄

程敏政傳

以宮僚恩剛此四字

擢少詹事

按敏政爲少詹時詔議從祀諸賢敏政請斥戴聖劉

向賈遼馬融何休王肅王弼杜預八人及公伯寮秦
冉顏何遠瑗林放荀況等而進鄭眾王通胡瑗下廷
臣議爲學士吳寬侍郎倪岳等所格嘉靖時卒用其
議見識大錄

才高負文學

刪才高
二字

常俯視儕偶

刪常
字

頗爲人所疾

刪頗
字

因勒致仕

刪因
字

五年起官

改六年
召還

掌院事

下增八年以內艱歸
服薨轉詹事十一字

按明寶錄敏政以弘治六年召還仍供舊職八年以

內艱歸服闋還京未至轉詹事兼翰林院學士陞見
遷禮部右侍郎此既誤六年爲五年且所載未詳

與李東陽主會試

刪李字

羅玘傳

形容灰稿

稿收稿

臺諫救劉遜盡下獄

按是時遜知武岡以忤岷藩被逮給事中龐泮等救
之並下詔獄見識大錄

臣請降敕密諭

至

而仕路亦清

按是時南京科道楊廉洪遠等交章劾玘妄言亂政
且言尙書屠瀟白昂必不可不去帝不問見明實錄

馳書守臣約討賊

改馳書巡撫王守仁約討賊

嘉靖初

下增贈禮部尚書五字

儲懽傳

疏薦前直諫貶謫者

至進士李文祥吉等

按明寶錄懽爾時薦直諫貶謫者尙有前進士謫臨西縣縣丞敖毓元與吉等共五人此所載獨遺毓元

李夢陽傳

及僞爲奏章事

章改草

按是時吉安知府劉喬嘗爲夢陽所挫辱乃求夢陽短及僞爲奏草事白萬實令奏之見識大錄

李夢陽附傳

康海至授修撰

按海廷試時孝宗見海策謂輔臣曰明興百五十年無此文體是可以復古矣遂竄第一見識大錄

王九思至尋調吏部至郎中

按正德四年四月孝宗實錄成預纂修者當遷秩瑾惡翰林素不附己於是調侍講吳一鵬及九思等十人於南北六部名曰擴充政事見明實錄

何景明傳

錢謙益撰列朝詩力詆之改其意蓋詆夢陽非篤論也

徐禎明附傳

吳中自枝山輩枝山改允明

邊貢傳

貢早負才名

按貢工詩與何景明李夢陽等號十才子又與景明
夢陽及徐禎卿王九思康海王廷相爲七才子見獻
徵錄

都御史劾其縱酒廢職

按是時劾貢廢職者爲都御史汪鋹見明實錄

顧璘傳

歷浙江左布政使至遷南京刑部尙書

按識大錄稱璘於嘉靖十一年召拜右副都御史巡
撫山西疏乞終養忤旨落憲職以布政使致仕十六

年再起爲副都御史巡撫湖廣十八年拜刑部侍郎
轉吏部察院肇工晉工部尙書事竣遂遷南刑部尙
書皆與此小異

鄭善夫傳

用薦起南京刑部郎中

按是時薦起善夫者爲都御史周季鳳御史汪瑯見
識大錄

鄭善夫附傳

官南京給事中

按雲霄由進士授靖江知縣調青田遷南京工科給
事中見獻徵錄

陸深傳

二甲第一

刪此四字

按大學題名碑深爲弘治十八年二甲第八名進士是科二甲第一則崔銑也此誤

劉瑾嫉翰林官亢己

下增正德四年四字

嘉靖十六年召爲太常卿

改旋召擢光祿卿進太常卿

按明實錄嘉靖十五年十一月深陞光祿寺卿十六年二月遷太常寺卿此誤

致仕卒謚文裕

按深以嘉靖二十三年七月卒賜謚時並贈禮部右侍郎見明實錄

王廷棟傳

已而疏上至杖於廷

按廷棟是時與舒芬汪應軫江暉曹嘉馬汝驥合疏
劾江彬罪見明實錄

列傳第一百七十五 文苑三

文徵明傳

巡撫俞諫欲遺之金

按諫一日過徵明廬門渠沮洳諫曰通此渠若於堪
輿言定當第徵明曰公無念渠渠通當損旁民舍異
日諫乃悔曰吾欲通文生渠奈何先言之吾終不能
爲文生德也見獻徵錄

文徵明附傳

由國子生授南京翰林院孔目

按羽自弘治壬子應鄉試至嘉靖辛卯閱四十年凡十有四試不售乃以太學生赴選調天官卿素知其名曰此吾少日所聞蔡某今猶滯選調耶奏授孔目居三年歸卒於家見獻徵錄

女字卿子適趙宦光

按宦光字凡夫太倉人卜居寒山所著書數十種尤專精字學說文長箋其所獨擅也見吳縣志

王穀祥

至

左遷真定通判以歸

按書畫譜穀祥乞歸家居二十年隆慶初起南吏部

不受書做晉人不墜右軍大令之風篆籀八體並臻
妙品兼善繪事點染花卉意致獨到

黃佐傳

與論河套事不合

按時曾銑議復河套言喜言邊功力主之見明史紀
事本末

柯維騏傳

褒貶去取義例嚴整

改獨出己見
自爲一書

按遼盛於唐時去宋甚遠且後亦未嘗附宋自當另
爲一書至宋之於金稱臣稱子遠不逮東晉之於魏
乃拓跋旣已成書而於金史何疑焉是附遼金于宋

義例已非傳中褒貶二語殊未允當

王慎中傳

曾汴輩咸在部曹

汴改作

按進士題名錄曾汴泰和人嘉靖五年進士此作汴
誤

詔簡部郎爲翰林衆首擬慎中

按詔取才學之臣十人以充史館慎中居首張孚敬
使人語曰得一見館職不足定也慎中不往乃黜用
九人獨慎中不用見獻徵錄

高叔嗣傳

叔嗣少受知邑人李夢陽

邑人改慶陽

按夢陽慶陽人時寓居開封不得謂之邑人

陳東傳

首座主張璵霍韜至引嫌亦議改

按嘉靖初張璵方得君好變易典制諸吉士皆少年負氣不能屈往往抗視閣臣璵怒盡黜諸吉士見獻徵錄

陳東附傳

嚴嵩惡經遂置之死

按經初劾嵩受賂嵩心銜之二十二年經監山東鄉試嵩摘試錄中謂有諷上語激帝怒逮至京廷杖死見明史紀事本末

皇甫湊附傳

賈人女爲尙書文明妾

至終興化同知

按明雖斂容謝而心中銜之乃出令權稅荊州會大計考功郎與濂有忌謫河南理問稍遷興化同知歸數年卒見獻徵錄

茅坤傳

檟善之悉以兵事委坤連破十七砦

按檟既以兵事委坤乃簡部五千人團射角技遠遙以爲常賊玩而懈我兵爭願一戰遣善繪者圖其山川分所部兵爲七後先發約同日抵鬼子砦所過輒榜曰軍門進十萬兵討殺陽朔令者他砦敢動先移

兵滅之諸蠻見旗幟徧山谷且怵于榜文皆不敢動於是連破十七砦禽斬百五十人見獻徵錄

胡宗憲延之幕中

按嘉靖四十二年宗憲爲浙閩總督給事中陸鳳儀劾之逮詣京宗憲自殺坤上書訟其冤見明史紀事本末

李攀龍傳

稍長爲諸生

按王慎中督學山東奇攀龍文擢冠諸生見獻徵錄李攀龍附傳

梁有譽

按有譽字公實南海人見獻徵錄

王世貞傳

用爲青州兵備副使

按青州豪徐進道被訟罪不至死而進道恃其宗強黨衆陰謀勒兵反世貞聞之故緩其獄令捕盜自効進道謀漸解遂縛之盡散其黨見獻徵錄

卒於家

按世貞卒贈太子少保見明實錄

明史攷證擿逸卷三十一

明史攷證攬逸卷三十二

長洲王頌蔚編集

列傳第一百七十六 文苑四

李維楨附傳

山東稅監陳增貪橫至斥宗堯爲民

按萬曆二十六年九月宗堯奏太監陳增罔上營私益都有鉛砂無銀礦增強之入銀業非法矣且代納稍緩逮及吏民陛下所得十一而增私橐十九巡撫尹應元亦參增罪二十餘條忤旨奪俸下鎮撫司削籍見明史紀事本末

王穉登傳

命穉登爲之有警句

按靜志居詩話云伯穀詩亦華整第嫌肉勝於骨至袁文榮所賞牡丹詩色借相公袍上紫書生薄命原同妾等句媚竈之詞近於卑田乞兒語矣

王穉登附傳

王叔承字承父

按王叔承初名光允以字行晚乃更字承父見靜志居詩話

焦竑附傳

里人孫文豸以誦步天歌見捕

按文豸仁錫戚也嘗作策論嘲時忠賢因誣文豸造

妖言謗朝政置重辟所指妖言則韓愈原道篇欽天
監步天歌也先是仁錫在講筵因王恭厰火災又見
正人屠戮忠賢竭土木不休講時不避忌諱忠賢復
以不撰寧國封敕遂命許顯仁擬文豸獄詞連仁錫
等遂削籍歸見明史紀事本末

董其昌傳

始以宋米芾爲宗後自成一家

按其昌云吾年十七學書師顏平原又學虞永興以
爲唐書不如晉魏又學鍾王凡三年自謂邁古文徵
仲祝希喆不復置眼角比游嘉興見項子京家藏眞
蹟又見官奴帖於金陵方悟從前妄自標評自此漸

有小得見畫禪室隨筆

董其昌附傳

字友石

改字仲詔

按書畫譜米萬鍾字仲詔關中人徙居京師性好石人謂無南宮之顛而有其癖號爲友石先生友石其號而仲詔其字也此以號爲字誤

張瑞圖者官至大學士

按瑞圖以天啟七年晉禮部尙書東閣大學士崇禎元年三月致仕見宰輔年表

曹學佺傳

劉廷元輩主瘋顛

按天啟二年御史馬逢宰等劾廷元倡論保奸廷元乃降調見明史紀事本末

乾隆四十一年

賜諡諸臣

曹學佺 通諡忠節

列傳第一百七十七 忠義一

花雲附傳

文遜者

刪者字

兩舉鄉第一

鄉下增試字

王愷傳

太祖克衢州命總制軍民事

按陳友諒寇龍江上命葛俊擣廣信以牽其師道過

衢愷謂之曰廣信僞漢門戶彼既傾國入寇寧不以重兵爲守非大將統全師以往不可若出偏師撓之設有挫衄吾衢先驛騷矣乃止俊而請胡大海行大海至廣信果潰如愷言見獻徵錄

追封當塗縣男

按愷沒後追封當塗縣男與享雞籠山功臣廟及太祖登極復進封當塗縣子見獻徵錄

孫炎傳

遺基書數千言基始就見

按基就見炎炎與論古今成敗之事基深歎服之曰基自以爲勝公觀公議論基何敢望公哉見獻徵錄

牟魯附傳

王君諒

君改均

按下文作均諒與明實錄同

黃里

按黃里本紀作黃理

蜀將丁世珍

按本紀作丁世貞

洪武五年其黨羅子仁率眾潛入城執名善不屈死

按本紀四年八月高州海寇亂通判王名善死之此
作五年彼此互異

王禕傳

太祖取婺州召見用爲中書

按太祖見禕語必稱子充而不名間與論文章稱善
因命采故實爲四言詩以教皇太子見獻徵錄

王禕附傳

又有吳雲雲宜興人

按李東陽忠節錄序作吳友雲與此異

熊鼎傳

果異止勿動蛙果勿動

勿俱
改弗

琴彭傳

宣德元年黎利反率衆圍其城

改宣德元年賊黎
利率衆圍其城

按永樂十六年俄樂縣土官巡檢黎利反至宣德元

年蓋已七年矣此云宣德元年黎利反似至是始反者文義未協據安南傳改

王禎傳

荆襄石和尚流劫至巫山

按成化元年四月荆襄盜劉千斤反湖廣提督白圭擊禽之二年六月其黨石和尚聚眾流劫四川圭復誘執之磔於市見明史紀事本末

周憲傳

總督陳金檄憲勦之

按金檄憲等分兵三路進勦其二路失期不至憲獨深入被殺事在正德七年見明史紀事本末

吳景傳

六年正月逼江津

按本紀五年十一月乙丑賊陷江津僉事吳景死之
此言六年正月互異

賊麻六兒將逼江東

按正德六年正月江津賊曹甫自稱順天王巡撫林
俊擊斬之甫餘黨方四麻六兒等復擁眾肆掠至九
年總制彭澤等討平之見明史紀事本末

孫燧傳

先是副使胡世寧暴宸濠逆謀

至世寧得罪去

按世寧奏宸濠罪狀下兵部移文寧府令鈐東其下

濠奏世寧離間親親妖言誹謗賄營內旨逮之刑訊
一年錢寧蕭敬等受重賂脅刑官必致之死大理少
卿胡瓚曰濠謀賴世寧以發而置之極刑何以服天
下乃戍藩陽衛見明史紀事本末

使人賂朝中幸臣去燧

按宸濠致書兵部尚書陸完令急去燧燧上書自劾

乞休不報見明史紀事本末

賊多持白挺

挺改

宋以方傳

時華林大盜甫平

按正德六年華林賊陳福一攻破瑞州七年按察使

王秩等討平之見明史紀事本末

列傳第一百七十八 忠義二

王鈇傳

倭來薄數禦却之

拔倭薄城北矢礮交下賊稍稍去鈇曰賊來未創也而去其懈我耳倍繕具待之詰朝賊果至鈇督兵間道出戰倭潰走見獻徵錄

錢錚傳

錚提狼兵戰九里山至錚戰死

按賊攻城城守固乃移營蔡涇焚掠四野錚從城上望之曰藟屠烈矣奈何與此賊俱生耶乃騎而背城

決戰狼兵驕鋒數折之至是乘其薄賊先潰走鋒遂
戰死見獻徵錄

黃鉤傳

是年倭陷福清

按倭攻福清知縣葉宗文與陳見等同被執死之見
明史紀事本末

倭乘勝犯惠安

按是時倭犯福清巡撫阮鶚不能禦取庫銀數萬賂
之以新造大舟六俾載之而去見明史紀事本末

張振德傳

崇明部將樊龍殺巡撫徐可求

按時以邊事急徵四方兵崇明上疏請以兵三萬赴
援遣其將樊龍等以兵至重慶巡撫徐可求汰其老
弱發餉餉復弗繼龍等遂鼓衆刺殺可求及道臣孫
好古等見明史紀事本末

張振德附傳

桐梓知縣洪維翰城陷奪印不屈死

按維翰歛縣人崇禎十六年進士見題名錄

管良相傳

水西有變禍必首反

按水西未叛良相語李榕曰奢氏反安必繼之黔中
無兵餉猝然有變計將安出宜招兵萬人積二年穀

用許成名將之以觀其變標以力不能止見明史紀
事本末

何天衢傳

及名聲死

按崇禎九年朱燮元奉命討名聲伏誅見明史紀事
本末

乾隆四十一年

賜諡諸臣

張瑤 通諡忠節

朱萬年張奇功能奮渭 通諡烈愍

姬文允孟承光吳世揚陳所聞何天衢揚于陛 通

諡節愍

列傳第一百七十九 忠義三

張銓傳

被執不屈

至

遂自經

改就執欲生之慰諭再四不可奪乃令自盡銓衣冠向闕拜及遙拜

父母就縊

按

太祖高皇帝實錄天命六年張銓被執不

降

太祖命賜死以遂其志

太宗惜銓

欲生之婉諭再四終不可奪不得已縊而葬之

崇禎四年流賊至

按是時賊趙四兒六千餘人入山西卽點燈子也總

督洪承疇等禽斬之見明史紀事本末

誤從王佳允至此

按佳允以崇禎三年六月攻陷府谷縣四年六月秦將曹文詔斬之陽城城下見明史紀事本末

高邦佐傳

裁抑稅使高淮不敢大橫

按遼東稅監高淮恃寵恣橫吏民小拂意係累相屬於道二十六年激變錦州倉卒逃入關吏部侍郎楊時喬等力言遼東重困危在旦夕皆淮激變乃召還見明史紀事本末

高邦佐附傳

同時顧頤以右參政分巡遼海道

按頤博興人萬厯中進士見山東通志

黨還醇傳

黨還醇

黨改
党

按題名錄作党還醇此誤

張春傳

春仍不食守者懇勸

刪此
八字

按

太宗文皇帝實錄載

上賜以珍饌

張春曰我死志已決不食

上之所賜我盡忠

求死殺之以成我志

上益有令名矣日後

上之諸臣必有爲

上言春願死仍不食

餓三日

上復賜食乃受而食之並無春仍不

食守者懇勸二語此誤

王肇坤附傳

與遊擊治國器治改治

按畿輔通志作治國器萬姓通譜有治姓無治姓

破定興改定興破

破安肅改安肅破

孫士美附傳

靈壽馮登熬熬改熬下同

固城王九鼎固改故

按明一統志河間府有故城無固城

承宗未詳何許人

按黃承宗威海衛人城破與子朝鐘力戰中流矢死

妻劉氏自縊死見山東通志

九鼎亦未詳何許人

按王九鼎潛山人見江南通志

張秉文附傳

虞孕未詳

按陳虞孕雲南昆明籍上元人見江南通志

有劉大年者

按劉大年崇禎十年進士見題名錄

吉孔嘉附傳

河間襄陽知縣賈太初永年山東副使申爲憲皆抗節

死

按賈太初崇禎十年進士申爲憲天啟二年進士俱

見題名錄

張振秀附傳

弘緒歷車駕郎中

按劉弘緒崇禎七年進士見題名錄

張焜芳傳

又糾太僕少卿史莖

按崇禎十一年焜芳糾莖疏曰舊例鹽引每重四百三十斤秤掣之時包中偶重一二斤必割沒入官所以杜私帶也莖垂涎割沒坐定斤數每引割沒不下二百斤而私鹽任其夾帶奸商遂恣意夾帶每包必

致人力不能扛擡多有聚眾就地推輦者有是理乎
見山書

乾隆四十一年

賜諡諸臣

王肇坤王一桂李禎宁喬若雯宋學朱顏紹孕吳良
能 通諡忠烈

張秉文吉孔嘉鄧藩錫張焜芳 通諡忠節

鄭國昌陳輔堯張鳳奇党還醇楊懌孫士美劉廷訓
鄧謙趙珽陳三接高維岱李其紀文昌時陳與言王
維新丁文明樊吉人賀秉鐵 通諡烈愍

竇永澄江萬春董爾礪徐國全顧頤崔儒秀段展程
應琦盧成功焦延慶張國翰廖汝欽任光裕李獻明

王元雅何天球徐澤武起潛張春閣生斗蔣秉采于
世奇趙悅王禹佐咸貞吉上官蓋治國器蘇時雨趙
國鼎鄭延任白慧元黃承宗馮登鼇王鑰王采崔賢
陳誌王九鼎張文煥錢珍陳緘李崇德魏克家周之
訓翁鴻業唐世熊荀好善陳虞孕熊列獻韓承宣陸
燦劉大年宋希堯張列宿黃建極李承芳高重光姚
汝明周而漳趙輝丁師義李時芄孟魯鉢張鳳鳴王
端冕唐鉉李鶴舉杜斗愚賈太初中爲憲傅梅邢國
璽馮守禮張子卿朱迴添任萬民李耿吳汝宗周啟
元劉光先劉士璟張振秀劉源清邢泰吉尹任楚煙
劉弘緒譚絲曾文蔚閻鼎李昌期郝芳聲俞起蛟

明攷逸三十二

通謚節愍

十二

明史攷證擴逸卷三十二

明史攷證擴逸卷三十三

長洲王頌蔚編集

列傳第一百八十 忠義四

張允登傳

督餉至甘泉 至 允登力禦不敵死

按是時流賊上天猴劫宜川令馬自然以求撫楊鶴受之處其部二千人於鄜州降卒白柳溪遂句賊爲亂混天猴向隸允登甘泉之變亦與焉見綏寇紀畧張光奎傳

流賊躡山西

按是時賊以七月破大寧八月破隰州再破石樓壽

陽見明史紀事本末

與兄守備光璽千總劉自安等至城陷並死之

呈章友程及舉人趙一亨侯標並死之

按劉自安趙一亨侯標俱賜祀忠義祠

李中正傳

執舉人靳謙書使跪不屈大罵而死

其宜陽馬足輕至則先後以布衣抗節顯

按靳謙書馬足輕許輝劉君培李登英裴君合張我

正張我德孫挺生傳世濟李佩玉劉時寵俱

賜祀忠義祠

方國儒附傳

保康小邑至城遂陷

按時山西河北諸賊以六年十一月渡河十二月破
邯西上津明年正月遂由房縣破保康見綏寇紀略
訓導王紹正死之至罵不絕口死

按王紹正常存畏俱 賜祀忠義祠

何承光附傳

訓導高錫及妻女至通江巡檢郭纘化陣沒

按高錫陳國俊郭纘化俱 賜祀忠義祠

龐瑜傳

賊至梓令跪至剖心裂屍而去

按是年閏八月賊圍靜寧州旋破隆德縣固原道陸

夢龍來援兵敗死之賊衆五十餘萬於是崇信與靈
臺白水涇州後先皆陷見綏寇紀略

龐瑜附傳

及父嗣成弟三元俱死之

子士樞士模皆死教諭李之蔚鄉官魏炳亦不屈死
按董嗣成董三元吉士樞吉士模李之蔚魏炳俱

賜祀忠義祠

婁琇知涇州閏八月城陷死

按一統志婁琇湘陰人天啟舉人崇禎中知涇州

有宋緒湯者至大罵死

按宋緒湯

賜祀忠義祠

尹夢鼇傳

八年正月方謁上官於鳳陽至賊已抵城下

按是時汝寧賊以正月七日攻潁州其支賊以初八日由固始夜薄霍止三日而霍止潰遂焚壽州之正陽鎮十一日破潁州屠之見明史紀事本末

廷傳者至令繕牘上當事旋卒

按劉廷傳劉廷石俱賜祀忠義祠

尹夢鼇附傳

鄉官尙書張鶴鳴弟副使鶴勝至皆死之勝改

按鶴鳴被害時年八十五賊倒懸射之鶴鳴嚼齒大罵有賊剗刃者三日若復能坐而鞭吾背耶人始知

其撫黔時有宿憾見明史紀事本末又按張大同丁嘉遇郭三杰韓光祖皆

賜祀忠義祠又是時

舉人白精忠與郭三杰同遇害見江南通志亦

賜祀忠義祠

子定策孫日曦罵賊死

千戶孫升至俱乘城戰死

陳弘祖至餘皆陣沒

元亨乃極口大罵賊怒斷脛死

同死者千戶陳永齡百戶盛可學等四十一人

舉人蔣思宸聞變投繯死

按韓定策韓日曦孫升田三震羅元慶田得民王之

麟陳弘祖陳其忠金龍化萬元亨盛可學蔣思宸俱

賜祀忠義祠

盧謙傳

舉人張受畢尹周亦不屈被殺

按張受畢尹周俱

賜祀忠義祠

盧謙附傳

賊陷霍正

按霍正之陷在鳳陽未陷之先迨鳳陽破自成偕高
迎祥西趨歸德復入陝西獻忠獨東圍廬州知州吳
大樸固守不克攻巢縣破之攻舒城知縣章可試開
西門塹其溝誘賊入殺千人賊遂退抵廬江陷之巢

縣太湖皆被屠見綏寇紀略

縣丞張有俊至舉人王毓貞死焉

訓導扈永寧亦死之

按張有俊倪可大何炳田旣庭王毓貞扈永寧俱

賜祀忠義祠

冀元祥附傳

子炳衡號呼罵賊賊又殺之至允恭卒死之

按冀炳衡姚允恭俱賜祀忠義祠

史記言傳

老獍獍憤至城遂陷

按是月朔秦賊李自成等悉衆薄閩鄉左良玉禦之

靈寶東祖寬禦之靈寶西不能支越四日陝州遂陷
見明史紀事本末

史記言附傳

訓導王誠心至亦不屈死

按王誠心及張敏行姚良弼陳三元俱
賜祀

忠義祠

是月賊陷盧氏改是年十月
賊陷盧氏

按綏寇紀略是時陷盧氏者爲豫賊埽地王等其事
在是年十月二十八日

梁志仁附傳

思仁等亦不屈死

按單思仁吳鳳來盧大受俱

賜祀忠義祠

王國訓傳

建忠等亦不屈死

按夏建忠陳紹南張弘綱陳縉俱

賜祀忠義

祠

王國訓附傳

與教諭譚恩驛丞羅文魁協力守城城陷皆死之

按譚恩羅文魁俱

賜祀忠義祠

有孫仲嗣者至盡瘁死

按孫仲嗣

賜祀忠義祠

黎弘業傳

崇禎八年流賊犯和州

按是時高迎祥李自成攻廬州知府吳大樸合肥令熊文舉堅守不克自成遂進陷含山犯和州見明史

紀事本末

判官錢大用至偕妻汪子婦章赴水死

訓導趙世選不屈死

按錢大用景一高康正諫趙世選俱賜祀忠

義祠

黎弘業附傳

論平邦彥功平下增安字

流賊至刪流字

守者皆潰賊遂入城

按是時操江臨淮侯李弘濟遣其將薛有年援和以遲發賊已破和而北有年中道失勢遂敗見綏寇紀略

兄鹽運司判官如蚪諸生如虹及家屬十四人皆死

按馬如剌高如虹俱

賜祀忠義祠

張紹登傳

知應城縣九年賊來犯

按是年十一月張獻忠老獍獍等賊二十餘萬從均州新野等處分道入襄陽總兵秦翼明不能禦賊由漢江之羅溪灘填土渡江遂以十二月破應城於是

雲夢孝感黃陂皆陷全楚震動見明史紀事本末

張紹登附傳

投國助於烈燄中

按張國勛

賜祀忠義祠

王燾傳

天大風雪至入署整冠帶自經

按是時副總兵楊世恩之兵潰於棗陽隨州繼陷遂責世恩戴罪自贖見綏寇紀略

蔣佳徵傳

設伏要害至力戰死

按是年七月皖賊襲破六合盪天長逼揚州楊大賈

捐私財構竈丁及新舊官軍爲四營賊分掠瓜儀至僧道橋去揚僅一舍知有備乃北由岔澗破盱眙見綏寇紀略

徐尙卿傳

崇禎十年十月李自成惠登相等以數十萬衆入四川按是時自成等以十月三日破寧羌州分其軍爲三一攻七盤一入廣元一向白水侯良柱旣敗歿賊遂入關於廣元烏龍山下結十七營分兵守二郎關乃從淺灘過河破昭化見明史紀事本末

吏目李英俊從之

主簿張應奇死之

典史潘孟科死之

按李英俊張應奇潘孟科俱

賜祀忠義祠

阮之鈿傳

十一年正月 至居民洶洶欲竄

按獻忠就撫後文燦命簡精卒二萬給餉餘散遣之
獻忠請十萬人餉文燦爲請銜予賞給以六月餉獻
忠具軍狀備調遣既命推官程九萬調其兵檄之者
三不應見綏寇紀略

賊衆漸出野外行劫

按穀城有河爲漢河所匯獻忠立關梁月徵其稅陳
洪範軍士獲義武營關防於草中請卽以給獻忠兵

科給事中張縉彥持不可於是獻忠益驕見明史紀事本末

至五月獻忠果反

按是時陳洪範所遣將馬廷寶徐起祚助防穀城者獻忠皆挾之去見綏寇紀略

郝景春傳

羅汝才率九營之衆

按所謂九營者汝才與一丈青小秦王一條龍爲鄖縣四營惠登相與王國寧常國安楊友賢王光恩爲均州五營見明史紀事本末

分諸營於竹谿保康上津而自與貴雲祥居房縣之野

按汝才之降也文燦檄之從軍汝才言不願爲官無所事餉請受山田以耕鄖撫戴東旻疏曰羅汝才詭占屯部帶刀以耘張獻忠飽食休甲據邑弄兵請敕理臣率鄖郢之卒督臣掃關隴之兵乘其不意一舉勦除不報見綏寇紀畧

郝景春附傳

殺一典史一守備恐之卒不屈與鳴鑿俱被殺
邦聞及其家人並不屈死

按朱邦聞郝鳴鑿典史某守備某俱

義祠

賜祀忠

張克儉傳

守備曹鳴鶚戰死

按是年二月左良玉挫於武安賊以三四萬從趙寨而東都司蔡如薰禦之急呼河鳴鶚與中軍馬擢策應至郟原關遇賊鳴鶚勝之翼日復力戰賊益多火藥盡擢觀望不前俱死之見明史紀事本末

小秦王混世王過天星等皆降

按小秦王混世王之降在十三年七月至九月賊魁過天星及整十萬王光恩相繼降見綏寇紀略

獻忠令人誑督府軍符入襄陽城

按是年正月獻忠敗官軍於開縣席卷出川西焚驛置楚蜀消息中斷賊長驅至當陽袁繼威方謀出軍

獻忠令汝才與相持而自以輕騎一日馳三百里道
殺督師使者取軍符以二十八騎持符襲入見明史
紀事本末

張克儉附傳

他將搜山又獲其軍師潘獨鼇

按潘獨鼇爲秦將鄭嘉棟大坪溪搜山所得見綏寇
紀略

徐世濤附傳

呼州人告以獲印處乃死

按徐肇梁

賜祀忠義祠

乾隆四十一年

賜諡諸臣

史記言王信郝景春 通諡忠烈

尹夢鼂黎弘業馬如蛟阮之鈿張克儉 通諡忠節

張允登吳開先李呈章徐明揚李中正方國儒劉定
國高日臨王永年郭震辰田實龐瑜吉永祚婁琇蒲
來舉張鶴騰朱國相袁瑞徵呂承應郭希聖張鵬翼

周時望李郁岳光祚陳承齡盧謙嚴覺金應元龔元
祥李君賜楊道泰阮我疆白楹梁志仁楊呈秀張紹
登王璵魏時光蔣佳徵吳暢春王寅陳正亨楊道選
曹鳴鵲鄺曰廣黎民安徐世漳 通諡烈愍

郭永固郭景嵩張光奎張光璽楊于楷張友程樂濟
衆何承光董三謨呂鳴世趙士寬田之穎劉道遠李

生白李從師王廷俊戴廷對李邁林王國訓薄匡宇
趙躋昌胡爾純萬代芳饒可久王燾徐尙卿王時化
李大覺余端 通謚節愍

列傳第一百八十一 忠義五

武大烈傳

舉天啟七年鄉試

改天啟七年舉人

授永寧知縣

授下增河南二字

按地理志永寧有二一屬河南河南府一屬江西吉安府此所載未晰以下文自南陽陷宜陽考之其地皆與河南之永寧接壤則大烈當是河南永寧知縣

知縣唐啟泰被害

改賊知縣唐啟泰

讚及子國學生祚延死之

至

並不屈死

按張祚延魏國輔任維清孫世英俱

賜祀忠

義祠

武大烈附傳

舉人馬體健死之

鄉官來秉衡

至

抗節死

按馬體健來秉衡郭顯星荀良翰俱

賜祀忠

義祠

盛以恆傳

崇禎十三年舉人知商城縣視事月餘

改崇禎十三年由舉人知商城

縣甫
月餘

按選舉志崇禎十三年非舉鄉試之期且下文稱張獻忠陷襄陽卽十四年事明制亦無舉人本年卽爲縣令者考河南通志稱以恆於十三年任商城亦未詳爲何年舉人此所載誤

二月中賊奄至

按獻忠陷襄陽居兩日卽破樊城返而破當陽郟縣招汝才兵東下入光州汝寧以南商城及羅山息縣信陽固始殘破殆盡見明史紀事本末

孫覺及典史呂維顯教諭曹維正皆死

按孫覺呂維顯曹維正俱

賜祀忠義祠

未謁選歸遇變罵賊死

按段增輝

賜祀忠義祠

賊既陷南城

南改商

盛以恆附傳

知州高孝誌

至

亦死之

按李逢旭程所聞魏光遠俱

賜祀忠義祠

顏日愉傳

日愉擊殺之幾盡餘賊引去

按是時左良玉次南陽躡賊於西山賊敗走獻忠汝
才合兵來攻日愉與指揮王汝章禦郤之見綏寇紀
略

顏日愉附傳

主簿門迎恩訓導楊氣開亦死之

舉人劉恩澤初嘗以策干當事

按門迎恩楊氣開劉恩澤俱

賜祀忠義祠

潘弘傳

子澄瀾痛憤大哭投井死

按潘澄瀾

賜祀忠義祠

潘弘附傳

鄧州知州劉振世吏目李國璽至皆抗節死

典史雷晉暹率捕卒戰死又有武職王衍范錢繼功海成俱死

按李國璽余承蔭李錫丁一統張五美王鍾王子章

海寬傳彥雷晉暹王衍范錢繼功海成俱

賜

祀忠義祠

陳豫抱傳

母先赴井三子從之至俱從之

案從母常先投井死宣宮皆詈賊被殺

張毓粹率二子佐有司固守城陷大罵俱被殺

同芳噴血大罵支解而死

劉芳名至皆抗節死

一鷺一鵬父亦罵賊死

唐縣許曰琮至遂嘔血而死

按陳豫抱豫養豫懷陳默通默恆默言許宣及弟案

宮張毓粹武同芳劉芳名劉芳世蘭之粹喬于昆蘭
完韻王光顯喬國屏王邦紀蘭相裔張一鷺一鵬及
父某牛一元許曰琮俱

賜祀忠義祠

頌蔚按武氏億授堂文鈔與萇喬菴書云攷證內有
編修方焯簽出張毓粹武同芳劉芳世蘭之粹喬于
昆蘭完韻王光顯喬國屏王邦紀蘭相裔張一鷺一
鵬及父某牛一元俱

賜祀忠義祠此十四君

實爲吾鄉節烈之雄附載明史陳豫抱傳昔嘗按其
傳文旣言張毓粹率二子佐有司固守城陷大罵俱
被殺蓋亦未審知毓粹二子卽一鷺一鵬故於後文
又書張一鷺張一鵬皆抗節死又云一鷺一鵬父亦

罵賊死一傳之中反覆重沓不可推次今竝記者復緣以致誤亦云張一鷲一鵬及父某則竟同於缺名之例益不得其實矣

劉振之傳

都司張守正至皆死

按魏完真李文鵬王應鵬俱

賜祀忠義祠

自許以南無堅城

按是時許以南諸邑如涪川長葛陳留禹州皆與鄆陵先後相繼陷見綏寇紀略

劉振之附傳

殉難者有費曾謀

按綏寇紀略作費令謀與此異

其小吏則臨穎千總賈廕序至皆死之

按賈廕序杜復春孟亘屏張範孔張治載馬德茂俱

賜祀忠義祠

李兼雲附傳

姪余敦華亦遇害

按余敦華

賜祀忠義祠

關永傑傳

陳故賊衝歲被蹂躪

按是時自成再圍關封爲陳永福等禦郤遂移兵攻
陳州城破之日賊怒而屠之少長無或免者睢州太

康寧陵考城商水西華遇賊輒潰見明史紀事本末

關永傑附傳

受僞亦擊殺數賊大罵並死之

作梅跪柩前焚死

接王受僞龔作梅俱

賜祀忠義祠

張維世附傳

族諸生不顯亦死之

至父子挺身罵賊死

不顯改不顯父子改與子

易德

按姚丕顯姚成趙良棟俱

賜祀忠義祠又按

河南通志若時殉節時從子丕顯及丕烈丕振麟徵

等並死之丕烈丕振麟徵亦

賜祀忠義祠又

良棟子名德易亦

賜祀忠義祠見河南通志

賊召前項城教諭王多福欲官之

按王多福

賜祀忠義祠

王世琇傳

商丘知縣梁以樟

按以樟故鄖撫夢澤子也歸德以無藩封不置兵賊至以樟因偕世琇等集鄉勇爲守禦見綏寇紀略

王世琇附傳

世英持刀罵賊死

及舉人徐作霖至一百十餘人

按夏世英徐作霖吳伯允周士美沈祕侯賧侯恆沈

日方三十一三
誠周士貴侯惛沈侗吳伯裔張渭劉伯愚俱

賜祀忠義祠

許承禧附傳

是年冬汝寧陷

按是年七月孫傳庭兵至南陽爲自成汝才所敗復陷南陽屠之閏十一月遂進圍汝寧陷之見綏寇紀略

李貞佐傳

明年二月自成復來寇

按是時自成分兵爲四老獍守承天羅汝才守襄陽革襄服往黃州而自將其一以攻郝見明史紀事

本末

鄉人傾邑祭奠鄉人改
土民

李貞佐附傳

子國誘賊發金墟墓間

舉人李得筭至賊覺被殺

南陽張鳳翔至並罵賊死

按顧國李得筭張鳳翔王明物張民表夏云醇余容

善王者瑄胡植王翼明俱 賜祀忠義祠

魯世任附傳

訓導張信罵賊不屈死典史趙鳳豸拒賊死

按張信趙鳳豸俱

賜祀忠義祠

獨洪起嘗官副總兵頗恭順

按沈萬登亦嘗授副總兵於十四年十月誅僞將軍馬尙志并諸僞官復汝寧見明史紀事本末

劉禪附傳

土寇爲亂

按是時登封李際遇申靖邦等據山爲亂見河南通志所謂土寇者指此

開封之陷至或陷城自盡

汝寧之陷至皆死之

按徐陞閻生白張道脈劉懋勳楊紹祖袁永基袁世蔭葉榮蔭張承德李衍壽閻志園林景陽趙得庚楊

道臨趙重明費明棟楊應禎李士諤俱

賜祀

忠義祠

何燮附傳

巡檢吳姓者鬪死

按吳某

賜祀忠義祠

趙興基傳

之垣如蘅及履祥登貴並縋城走

按流賊傳廬州陷知府鄭履祥死之明史紀事本末
綏寇紀略所載皆同均與此異但下文稱履祥委失
城之罪於興基史可法因察治履祥罪則履祥爾時
實遁免流賊傳似誤

潛山知縣沈孕嘉至並不屈死

按沈所安 賜祀忠義祠

趙興基附傳

元綬力鬪死

知縣楊春芳至並死焉

按鄭元綬陳知訓沈鴻起婁懋履俱 賜祀忠

義祠

知府吳太樸堅守不下太改

乃治守令罪守令改

會遊擊縱所部淫掠遊擊改

悍卒殺守恆

按是時廷訓降賊教以衝柵穴城城陷賊割守恆腹以矛數十創而死見綏寇紀略此云悍卒殺守恆互異

乾隆四十一年

賜諡諸臣

武大烈馬剛中顏日愉潘弘劉振之魏令望李乘雲
關永傑陳顯元

通諡忠烈

艾毓初張維世魯世任

通諡忠節

徐日泰朱由楫朱敏汀盛以恆洪允衡高孝誌邱懋
素鍾其碩王士昌杜邦舉柴薦禔劉孔暉余爵任棟
侯君摧崔泌之姚若時梁可棟楊士英徐一源許永
禧劉英顧王家周卜麻朱崇祖何燮胡淵趙興基高

在崙李孕嘉趙之璞程楷 通諡烈愍

唐啟泰張讚王正已魏持衡劉芳奕常克念韓金聲
王明楊萃錢祚徵張映宿姚運熙劉振世龔新韓醇
姚昌祚孫澤盛辟應齡王應翼張守正費曾謀楊一
鵬王化行姚文衡張鷹揚萬大成張質杜時髦阮泰
楊汝經王世琇顏則孔沈試朱國慶侯忻沈仔張儒
紀懋勛孔亮高斗垣官纂邵可灼陳心學張人龍楊
呈芳孔貞璞曹思正劉伯驂周騰蛟劉禋蘇茂均彭
士奇亢孟檜王蔭長白守文朱挺張我翼陳公邱茂
表左相申唐良銳楊春芳 通諡節愍

夏統春附傳

其以小吏死難有何宗孔至陷伏中大罵死

按何宗孔賈儒秀張達朱耀俱

賜祀忠義祠

陳美傳

李自成長驅犯襄陽左良玉先奔

按左良玉自朱仙鎮南潰退屯襄陽大治戰艦於樊城自成至良玉營於高阜賊趨白馬渡良玉移營扼之江水纔及馬腹賊死數千渡如故良玉遂拔營南行見綏寇紀略

陳美附傳

訓導陽城田世福亦死之

均州知州胡承熙被執不屈與其子爾英俱死

按田世福胡爾英俱

賜祀忠義祠

謀吉臣附傳

應城陷訓導張國勳死之

啟觀曰汝旣知文至賊怒殺之

諸生廖應元至爲旺所殺

按張國勳袁啟觀廖應元劉申錫俱

賜祀忠

義祠

盧學古傳

郊芳之奇亦不屈死

按張郊芳程之奇俱

賜祀忠義祠

盧學古附傳

士完被執至遂自經

太翻太息曰吾子孫陣亡已盡吾何用生爲赴水死太息

改歎生下
翻爲字

按朱士完彭大翻俱

賜祀忠義祠

巡撫陳容謨急渡江巡撫上增
偏沉二字

訓導撤君錫至詬罵而死

維藩令妻女赴井死遂見殺諸生王圖南被執抗罵死

調元獨率部卒格鬪至大罵死亂刀下

按撤君錫王維藩王圖南呂調元俱
賜祀忠

義祠

陳萬策傳

夜自經

開先瞋目大罵頭觸牆死

按陳萬策李開先俱

賜祀忠義祠

許文岐傳

賊魁賀一龍蘭養成等萃蘄黃間

按賀一龍卽革裏眼蘭養成卽左金王與馬守應賀

錦劉希堯合卽所稱革左五營也後歸自成於開封

見明史紀事本末

明年大舉兵來攻

按是年正月獻忠破廣濟卽犯蘄州會富顯文終不

協而鎮筭兵復內間應賊遂陷見綏寇紀略

賊既陷蘄州遂屠其民

按賊陷蘄州卽於三月破蘄水入黃州黃人盡逃旋犯麻城麻城人湯志者大姓奴也殺諸生六十人而推其中與已合者曰周文江以城降賊賊改麻城爲州以文江知州事見綏寇紀略

許文岐附傳

其時屬吏死節者惟麻城教諭定遠蕭頌聖蘄水訓導施州童天申

按蕭頌聖童天申俱

賜祀忠義祠

崔文榮傳

賊出營樊口至以他將代守

按文榮斂兵入城時賊大營尙在江北會楚府募兵官張其在因罪被笞往投之盡以軍情輸賊而黃州降賊生員李時榮之族居省城約內應於是賊由鴨蛋洲畢渡見緩寇紀略

徐學顏傳

新軍內叛城陷

按武昌既陷獻忠執楚王華奎籠而沈諸江盡殺楚宗室見明史紀事本末

徐學顏附傳

武昌知縣鄒逢吉被害此句刪去

按是時鄒逢吉以行取入京甲申之變爲賊拷死福
王時傳聞失實贈太僕寺丞見金鉉傳未是逢吉不
惟未與武昌之難而其死亦屬失節此所載誤
同死者武昌衛經歷汪文熙巡檢戴良瑄及僧官一人
俱罵賊不屈腰斬

按汪文熙戴良瑄及僧官某俱

賜祀忠義祠

賊旣陷武昌

下增據之盡殺
楚宗室七字

馮雲路傳

賊遣使來聘

至

從游諸生汪延陞亦死焉

按馮雲路汪延陞俱

賜祀忠義祠

馮雲路附傳

其同邑熊需

至

時黃陂諸生傅可知亦以叱賊死

按熊需明睿易道暹易爲瑚爲璉傅可知俱

賜祀忠義祠

蔡道憲傳

賊果以八月陷岳州

按獻忠陷武昌後總兵方國安副將徐懋德等破賊於蘄州委官吏多被禽殺武昌生員程天一白雲寨長易道三皆起兵討賊與官兵復黃州獻忠乃令僞總兵張其在等守武昌而躬率大營西渡以窺岳州於是左營諸將毛顯文常國安等與蘄黃四十八寨民兵攻復武昌漢陽獻忠已陷咸寧蒲圻偪岳州矣

見緩寇紀略

國俊曰至遂自刎

按林國俊

賜祀忠義祠

道憲死時年二十九

按祭道憲死事曾蒙

御製詩表章刻石墓祠

旌忠曠典洵依古所未聞也

後亦死

改禦賊陣沒

按二南還長沙時督兵禦賊於瀏陽之官渡沒於陣

贈太僕寺卿見湖南通志

邑中舉人馮一第

邑下刪中宇

一第歸就縛

至

置營中一夕死

賊陷東安

至

諸生謝如珂拒戰死

按馮一第唐德明謝如珂俱

賜祀忠義祠

張鵬翼附傳

二子若鼎若鈺號勵

至

分宜彭允中皆盡節

按莫若鼎莫若鈺彭允中俱

賜祀忠義祠

乾德守岳

州遂陷

州也乾德與總兵孔希貴等率兵守東

陵磯誘殺其先鋒連戰皆捷賊百道仰攻不能支乾

德走希貴退屯湘陰已而亦走岳州遂陷見明史紀

事本末

會劉文秀自雲南至禽韜陷嘉定

按是時孫可望遣劉文秀張先璧由永寧取敘州白文選由遵義取重慶會於嘉定謀犯成都其事在順治九年見明史紀事本末

劉熙祚傳

二王至永州二改三下熙祚乃遣部將護二王至廣西同

按桂王及吉惠二王本傳是時三王同奔永州入粵

西

王孫蘭傳

遷廣東副使至馳勦三戰皆捷

按連州屬廣州府與南雄韶州無涉考廣東通志是時分巡南韶副使兼轄廣州之連州清遠駐韶州此

所載未晰

黃世清傳

自成敗至從南陽犯商州

按潼關既陷自成連破華陰渭南華州遂攻陷商州
屠之見綏寇紀略

楊暄傳

賊遂陷西安

按賊之攻西安也守將王根子射書城下開東門納
賊城遂陷見明史紀事本末

教授許嗣復至詈賊死

其城亦死之

縣丞沁源姚啟崇亦死焉

與學官魏歲史劉進並被難

按許嗣復蔡其城姚啟崇魏歲史劉進俱

賜

祀忠義祠

簡仁瑞附傳

華亭教諭鄒姓者至與教諭皆殉難

按鄒某何相劉俱

賜祀忠義祠

平涼既陷屬城悉降

按平涼陷賊遂移兵取蘭州又遣賊將辛思忠破西
寧衛於是肅州山丹永昌鎮番莊浪皆降而秦地悉
沒矣見綏寇紀略

都任附傳

材官李耀善射至自縊死

文經國

諸生則陳義昌自經死

按李耀李光裕張天敘黃廷用廷弼賀世魁文經國
陳義昌沈濬沈演白拱極白含章張連元連捷李可

柱胡一奎李蔭祥俱

賜祀忠義祠

祝萬齡附傳

舉人宗室朱誼果至並抗節死

按朱誼果席增光俱

賜祀忠義祠

丁泰運附傳

及其子師易皆死之

按王師易

賜祀忠義祠

乾隆四十一年

賜諡諸臣

陳美郭裕馬飈許文岐李新崔文榮蔡道憲劉熙祚
黃世清段復興都任陳璫周鳳岐丁泰運 通諡忠
烈

李乾德張鳳翮祝萬齡王徵宋師襄 通諡忠節

夏統春薛聞禮郝瑞日徐日耀湛吉臣濮有容盧寧
古郭以重岳璧郭金城徐學顏王良鑑曾杖歐陽顯
宇林不息蔣道亨楊暄朱一統朱迴澆靳聖居司五
教劉光佑黃廷政馬鳴節楊明張發王永祚李應孝

傳德潘國臣李國奇晏維新陳二典劉芳馨文侯國
郭遇吉楊正韓柳永年馬應舉尤勉惠漸賀大雷楊
以偉李文焜李文燦常懷李登龍孫貴尤養鯤白慎
衡李宗敘朱慎鏤王榮 通諡烈愍

蔡思繩宋大勛萬敬宗韓應龍周建中胡承熙劉璇
萬惟壇張允修李友蘭李雲李毓英周二南張鵬翼
楊開賴萬耀莫可及董我前李升德劉永祚王孫蘭
程道壽趙躋昌唐時明薛應玠唐夢鯤袁繼登董琬
朱新鏢簡仁瑞王家錄張雲鵬彭卿柳芳趙彬崔重
觀傅佑竇光儀徐方敬徐芳聲王徵俊宋之儁史可
觀尙大倫王樞徵 通諡節愍

明史攷證攬逸卷三十三